



შპს მაგთიკომი  
საქართველო 0186 თბილისი ჯიქიას ქ. №5

MAGTICOM LTD  
5 Jikia str. Tbilisi 0186 Georgia

ტელ/Tel: (995 32) 17 17 17; (995 32) 32 18 81, ფაქსი/Fax (995 32) 171 171; (995 32) 32 18 83 E-mail: office@magticom.ge www.magticom.ge

შპს "მაგთიკომი"
პ.ნ. 09/192-19
15 10 2009

საქართველოს კომუნიკაციების ეროვნული კომისიის  
თავმჯდომარეს ბატონ ირაკლი ჩიქოვანს


ბატონო ირაკლი,

წარმოგიდგენთ შპს „მაგთიკომის“ ძირითადი ქსელის საკომპუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) მომსახურების შეთავაზების წინადადებას, რომელიც ძალაში შედის 2009 წლის 15 ნოემბერს. გთხოვთ, გამოაქვეყნოთ კომისიის ვებგვერდზე.

დანართი: 6 ფურცელი

პატივისცემით,

გენერალური დირექტორის  
პირველი მოადგილე



გია კოშორიძე

რეგისტრაცია №6/2865-ფ
15 10 2009
147 მაგთიკომი

ბრძანება № 165184

შპს "მაგთიკომის" ძირითადი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულება) მომსახურების შეთავაზების წინადადების (მოწვევის ოფერტა) დამტკიცების შესახებ

2009 წლის 13 ოქტომბერი


ქ.თბილისი

საქართველოს კომუნიკაციების ეროვნული კომისიის 2008 წლის 4 აპრილის №189/9 გადაწყვეტილებით შპს "მაგთიკომზე" დაკისრებული ვალდებულებების შესრულების მიზნით,

გ ბ რ ძ ა ნ ე ბ:

1. დამტკიცდეს შპს "მაგთიკომის" ძირითადი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულება) მომსახურების შეთავაზების წინადადება (მოწვევის ოფერტა) (თან ერთად).
2. ბრძანება ამოქმედდეს 2009 წლის 15 ნოემბრიდან.

გენერალური დირექტორის  
პირველი მოადგილე



გია კოშორიძე

მომრავი და ფიქსირებული საკომუნიკაციო ქსელის ოპერატორის

### შპს „მაგთიკომის“

ძირითადი ქსელის საკომუნიკაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) მომსახურების შეთავაზების წინადადება

1. ძირითადი ქსელის საკომუნიკაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) მომსახურების მიწოდების მისამართები

- ა) ქ.თბილისი, ჯიქიას ქ.N5;
- ბ) ქ. ქუთაისი, ავტომშენებლის ქ.N 88;
- გ) ქ. ქუთაისი, ჭავჭავაძის ქ.42;
- დ) ქ.ბათუმი, ბაგრატიონის ქ.N103.

ზემოაღნიშნულ ურთიერთჩართვის წერტილებში ჩართვისათვის გამოყოფილია თანალოკაციის ფართები:

- ა) ქ.თბილისში, ჯიქიას ქ.N5-ში – 15კვმ;
- ბ) ქ.ქუთაისში, ავტომშენებლის ქ.N88-ში – 10კვმ;
- გ) ქ.ბათუმში, ბაგრატიონის ქ.N103-ში – 10 კვმ.

შენიშვნა: ურთიერთჩართვის წერტილში – ქ.ქუთაისში, ჭავჭავაძის ქ.42-ში შპს „ახალი ქსელების“ სარგებლობაში არსებულ ფართებზე, „მაგთიკომი“ არ ფლობს საკმარის ფართს ურთიერთჩართული ოპერატორების თანალოკაციით უზრუნველსაყოფად. შესაბამისად, ამ ურთიერთჩართვის წერტილში ჩართვის მსურველმა ოპერატორმა „მაგთიკომისგან“ დამოუკიდებლად უნდა უზრუნველყოს მისთვის საჭირო ფართი.

2. ურთიერთჩართვის წერტილში ტექნიკური საშუალებების გამოყენებული ინტერფეისების აღწერილობა

ურთიერთჩართვის წერტილებში გამოყენებული ინტერფეისებია:

- G 703;
- SDH სტანდარტის შესაბამისი STM -1 -ის ოპტიკური ინტერფეისი.

ურთიერთჩართვის (სატელეფონო ზარების წამოწყება/დასრულების) ტარიფები

- მობილურ ქსელში: 8 99, 8 98, 8 96, 8 95, 8 91

ურთიერთჩართვის (ზარის წამოწყება/ დასრულება) ტარიფი - 14.8 თეთრი/წთ, დღგ-ს ჩათვლით.

- ფიქსირებულ ქსელში: საქართველოს ტერიტორია – 8 90, 8 51; თბილისი - 26XXXX, 170XXX-177XXX, 44XXXX; ქუთაისი - 8231 10XXX.

ურთიერთჩართვის (ზარის წამოწყება/დასრულება) ტარიფი - 4 თეთრი/წთ, დღგ-ს ჩათვლით.

- ტრანზიტული გატარების ტარიფი საქართველოს ტერიტორიაზე - 1 თეთრი/წთ დღგ-ს ჩათვლით.

#### 4. ანგარიშსწორების პირობები

„მაგთიკომი“ და მასთან ურთიერთჩართული ოპერატორი შემოსავლების აღრიცხვას განახორციელებენ ყოველთვიურად, საანგარიშო თვის მომდევნო თვის 10 რიცხვამდე, ერთობლივი საოქმო გადაწყვეტილების მიღებით, სადაც აღნიშნული იქნება მომსახურების სახეები, ინფორმაცია ტრაფიკის შესახებ წამოზრივი დამრგვალებით, მხარეთა კუთვნილი თანხები და საბოლოოდ გადასახდელი თანხა.

განხორციელებული გამოძახებების რაოდენობის და ხანგრძლივობის შესახებ ინფორმაციის აღება და შედარება მოხდება მხარეთა სადგურებში არსებული შესაბამისი ფაილებიდან. განხორციელებული გამოძახებების და ხანგრძლივობის შესახებ ინფორმაციის დაზუსტების მიზნით, მხარეები ვალდებული არიან გაცვალონ საბილინგო მონაცემები.

ანგარიშსწორება მხარეთა შორის გახორციელდება შემოსავლების შესახებ საოქმო გადაწყვეტილების საფუძველზე, საოქმო გადაწყვეტილების მიღების მომდევნო თვის 10 რიცხვამდე. იმ შემთხვევაში, თუ იქნება წინააღმდეგობა მხარეების მიერ წარმოდგენილ მონაცემებს შორის, ანგარიშსწორება იწარმოებს ორმხრივად შეთანხმებულ ანუ არასადაო ნაწილზე, ხელშეკრულებით დადგენილ ვადებში. შეუთანხმებელ ნაწილზე მხარეები შექმნიან ერთობლივ კომისიას, რომელიც 15 სამუშაო დღის ვადაში შეისწავლის მხარეთა CDR-ებს და უზრუნველყოფს შეუთანხმებელი ნაწილის შეთანხმებას. იმ შემთხვევაში, თუ მხარეები ვერ მიაღწევენ შეთანხმებას, თითოეული უფლებამოსილია მიმართოს საქართველოს კომუნიკაციების ეროვნულ კომისიას ან სასამართლოს.

„მაგთიკომი“ და მასთან ურთიერთჩართული ოპერატორი ვალდებული არიან მათ მიერ გაწეულ მომსახურებაზე მოახდინონ მეორე მხარისათვის დღგ-ს ანგარიშფაქტურების წარდგენა საქართველოს საგადასახადო კოდექსის შესაბამისად.

ანგარიშსწორების ვადების დარღვევის შემთხვევაში „მაგთიკომი“ უფლებამოსილია წერილობითი შეტყობინების საფუძველზე დამრღვევ მხარეს დააკისროს პირგასამტეხლო გადასახდელი თანხის 0.1%-ის ოდენობით ყოველ ვადაგადაცილებულ დღეზე. მიუხედავად აღნიშნული შეტყობინების მიღების დროისა, პირგასამტეხლოს ოდენობა გამოანგარიშდება ანგარიშსწორების ვადების დარღვევის პირველი დღიდან.

## 5. არაპირდაპირი ურთიერთჩართვის პირობები

„მაგთიკომთან“ არაპირდაპირი, ტრანზიტული კავშირის ოპერატორის საშუალებით ჩართვის შემთხვევაში, „მაგთიკომთან“ არაპირდაპირ ურთიერთჩართული ოპერატორი უზრუნველყოფს ყველა სატრანზიტო ხარჯის დაფარვას, მათ შორის, მისი ქსელიდან წამოწყებული და „მაგთიკომის“ ქსელში დასრულებული, აგრეთვე „მაგთიკომის“ ქსელიდან წამოწყებული და მის ქსელში დასრულებული ზარების სატრანზიტო მომსახურების საფასურის გადახდას.

## 6. საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) მომსახურების მიწოდებაზე, მსურველი პირისაგან აქცეპტის თაობაზე განაცხადის განხილვის პირობები და პროცედურები

ურთიერთჩართვის ხელშეკრულება ფორმდება წერილობითი ფორმით. ურთიერთჩართვის ხელშეკრულების დადების მსურველი პირი განაცხადით მიმართავს „მაგთიკომს“. განაცხადს თან უნდა დაერთოს საქართველოს კომუნიკაციების ეროვნული კომისიის მიერ გაცემული ავტორიზაციის მოწმობის ასლი, ამონაწერი სამეწარმეო რეესტრიდან, წარმომადგენლობაზე უფლებამოსილი პირის პირადობის მოწმობის ასლი, ნუმერაციის ან სიხშირული რესურსის არსებობის შემთხვევაში შესაბამისი სალიცენზიო მოწმობის ასლი, აგრეთვე ხელშეკრულების შესრულების გარანტია.

განაცხადში უნდა მიეთითოს:

- საფირმო სახელწოდება, იურიდიული და ფაქტიური მისამართები, ტელეფონი, ელფოსტა, ფაქსი, წარმომადგენლობაზე უფლებამოსილი პირის სახელი, გვარი, მისამართი, ტელეფონი, საქმიანობის სახეები, რაზედაც გავლილი აქვს ავტორიზაცია საქართველოს კომუნიკაციების ეროვნულ კომისიაში, არსებული ლიცენზიები სიხშირული და ნუმერაციის რესურსების მითითებით.
- ქსელის აღწერა, სავარაუდო ტრაფიკის მოცულობა, სიგნალიზაციის ტიპი, გამოყენებული ინტერფეისი.
- ურთიერთჩართვის მსურველი პირის მომსახურების სახეები და ტარიფები.

ურთიერთჩართვის მსურველი ავტორიზებული პირი განაცხადს აბარებს „მაგთიკომის“ ოფისში მისამართზე - ქ.თბილისი, ჯიქიას ქ. N5.

სუსტად აღინიშნული მოთხოვნების დაცვით შედგენილი განაცხადის და დოკუმენტაციის ჩაბარებიდან 10 კალენდარულ დღეში ურთიერთჩართვის მსურველს გადაეცემა ურთიერთჩართვის ხელშეკრულების პროექტი ან ელექტრონული სახით გადაეგზავნება მის მიერ მითითებულ მისამართზე.

**7. ძირითადი ქსელის საკომუტაციო ტერმინალურ ელემენტებთან დაშვებისა და ურთიერთჩართვის მომსახურების მიწოდების თაობაზე ხელშეკრულების გაფორმების ვადა**

მოწვევის ოფერტაზე მსურველი აქცეპტანტი პირის მიერ განაცხადის წარმოდგენის თარიღიდან - 20 კალენდარული დღე.

**8. ძირითადი ქსელის საკომუტაციო ტერმინალურ ელემენტებთან დაშვებისა და ურთიერთჩართვის მომსახურების მიწოდებასთან დაკავშირებული რესურსებისა და დამატებითი სიმძლავრეების გამოყოფის პროცედურები და პირობები**

დამატებითი სიმძლავრე შეიძლება გამოეყოს მხოლოდ ურთიერთჩართულ ოპერატორს. მოთხოვნა წარმოდგენილი უნდა იქნას წერილობითი ფორმით, შესაბამისი დასაბუთებით (მათ შორის ტრაფიკის ანალიზი).

**9. ძირითადი ქსელის საკომუტაციო ტერმინალურ ელემენტებთან დაშვებისა და ურთიერთჩართვის მომსახურების მიწოდებასთან დაკავშირებული რესურსებისა და დამატებითი სიმძლავრეების გამოყოფის ვადა**

დამატებითი სიმძლავრის გამოყოფის ვადაა მოთხოვნის წარმოდგენიდან - 20 კალენდარული დღე.

შენიშვნა: 20 დღიანი ვადა მოქმედებს იმ შემთხვევაში, თუ დამატებითი სიმძლავრის უზრუნველყოფა არ მოითხოვს არსებულ ქსელში ტექნიკური საშუალებების დამატებას.

**10. ექსტრაორდინალურ და ფორსმაჟორულ შემთხვევებთან დაკავშირებული პირობები და მხარეთა ურთიერთვალდებულებები**

„მაგთიკომმა“ და მასთან ურთიერთჩართულმა ოპერატორმა 10 სამუშაო დღით ადრე უნდა შეატყობინონ ერთმანეთს მათი ქსელის სარემონტო ან სხვაგვარი სამუშაოების ჩატარების შესახებ, რამაც შეიძლება გამოიწვიოს ურთიერთჩართვის ტრაფიკის გატარების შეფერხება.

მხარეებმა დაუყონებლივ უნდა შეატყობინონ ერთმანეთს მათი ქსელის ყველა იმ დაზიანების შესახებ, რამაც შეიძლება გავლენა მოახდინოს ურთიერთჩართვის მომსახურების მიწოდებაზე, და შესთავაზოს ალტერნატიული გზები ტრაფიკის გასატარებლად, ასეთის არსებობის შემთხვევაში.

სრული ან ნაწილობრივი შეუსრულებლობისათვის დაუძლეველი ძალის მოქმედების შემთხვევაში, რომლის დროსაც შეუძლებელია ხელშეკრულებით გათვალისწინებული ვალდებულებების შესრულება.

„დაუძლეველი ძალის“ ქვეშ იგულისხმება ნებისმიერი გარემოებები, რომლებიც არ არსებობდნენ ხელშეკრულების დადების დროს და რომელთა დადგომა თუ ზემოქმედება მხარეებს არ შეეძლოთ თავიდან აეცილებინათ და გადაეღობათ.

დაუძლეველი ძალის გარემოებებს მიეკუთვნება სტიქიური უბედურებები (წყალდიდობა, მიწისძვრა, ხანძარი და სხვა), აფეთქებები (მათ შორის ტერორისტული თუ დივერსიული აქტები), საომარი მოქმედებები (მათ შორის სამოქალაქო არეულობები და გაფიცვები), ხელისუფლების ისეთი აქტები, რაც არსებითად აფერხებს მხარეთა მიერ ნაკისრი ვალდებულებების შესრულებას და სხვა.

თუ ზემოხსენებულმა გარემოებებმა უშუალოდ იმოქმედეს ხელშეკრულებით ნაკისრი ვალდებულებების შესრულების ვადებზე, მაშინ ეს ვადები ამ გარემოებების მოქმედების დროის თანაბარზომიერად გაიზრდება. მხარემ, რომლისთვისაც ფორსმაჟორული გარემოებების დადგომის გამო შეუძლებელი გახდა ვალდებულების შესრულება, ვალდებულია დაუყონებლივ, მაგრამ არა უგვიანეს 7 (შვიდი) დღისა ამ გარემოებების დადგომიდან ან დასრულებიდან, შეატყობინოს მეორე მხარეს წერილობით. შეუტყობინებლობის, ან დაგვიანებით შეტყობინების შემთხვევაში მხარე კარგავს უფლებას დაეყრდნოს ფორს-მაჟორული გარემოების არსებობას, როგორც პასუხისმგებლობისგან გათავისუფლების საფუძველს.

## 11. თანალოკაციის ფართით სარგებლობის პირობები

თანალოკაციის ფართით სარგებლობის შესახებ „მაგთიკომსა“ და მსურველ ავტორიზებულ პირს შორის ფორმდება ხელშეკრულება. ავტორიზებული პირისათვის თანალოკაციის ფართის გამოყოფის საფუძველია მოქმედი ურთიერთჩართვის ხელშეკრულება და ტერმინალის განთავსების ორმხრივად შეთანხმებული სქემა. აპარატურის განთავსების, აგრეთვე აპარატურის მოხსნის შემთხვევაში მხარეთა შორის ფორმდება მიღება-ჩაბარების აქტი.

თანალოკაციის ფართზე ურთიერთჩართვის აპარატურის განთავსების პირობებია:

- ა) ურთიერთჩართვისთვის გამოყენებული ტერმინალი (შიდა ბლოკი) უნდა თავსდებოდეს სტანდარტულ 19 დიუმიან დგარზე, ხოლო მისი სიმაღლე და სიგრძე არ უნდა აღემატებოდეს 40სმ-ს;
- ბ) მოხმარებული ელექტროენერჯის სიმძლავრე არ უნდა აღემატებოდეს 150 ვტ-ს;
- გ) „მაგთიკომი“ უზრუნველყოფს მუდმივი დენის გარანტირებულ ელექტროკვებას 48 ვოლტი ძაბვით, აგრეთვე სათანადო კონდიციონირებას;

იმ შემთხვევაში, თუ ურთიერთჩართვის განხორციელებისთვის თანალოკაციის ფართის მსურველ ავტორიზებულ პირს ესაჭიროება რადიოსარელო კავშირის ორგანიზება, მას „მაგთიკომის“ ანძებზე გამოეყოფა ფართი ანტენის დამონტაჟებისათვის, კერძოდ:

არაუმეტეს 1,2 დიამეტრის პარაბოლური ანტენის, ხოლო ქ.ბათუმში, თანალოკაციის ფართის სახურავზე დამონტაჟებულ ანმაზე მცირე ზომის (არაუმეტეს 0,3-0,6მ დიამეტრის) პარაბოლური ანტენის განთავსებისთვის.

თანალოკაციის ფართზე დაშვების პირობები:

- ა) თანალოკაციის ფართზე ავტორიზებული პირის წარმომადგენელი დაიშვება მხოლოდ „მაგთიკომთან“ შეთანხმებით და „მაგთიკომის“ წარმომადგენლის თანდასწრებით;
- ბ) დაშვების ყოველი შემთხვევის შესახებ აღირიცხება სპეციალურ ჟურნალში, რომელშიც მიეთითება ავტორიზებული პირის წარმომადგენლის სახელი, გვარი, პირადობის მოწმობის ნომერი, წარმომადგენლობის დამადასტურებელი დოკუმენტის დასახელება და ნომერი, დაშვების მიზანი, შესრულებული სამუშაო. ჩანაწერი დასტურდება „მაგთიკომის“ წარმომადგენლისა და თანალოკაციის ფართზე დაშვებული პირის ხელმოწერით.

თანალოკაციის ფართით სარგებლობის, ელექტროენერგიით უზრუნველყოფის, კონდიციონერების და ანტენის განთავსების საფასური შეადგენს 150 ლარს თვეში, დღგ-ს ჩათვლით.

## 12. მოწვევის ოფერტის მოქმედების ვადა

მოწვევის ოფერტის მოქმედების ვადაა - 2010 წლის 15 მაისი.